

欽定剿平粵匪方略

欽定勦平粵匪方略卷二百六十二

辛酉年

四月初一日

己未

慶端瑞璣奏言汀郡之賊於河

田任屋岡一帶分築土牆四出焚掠均經我兵

擊退其武平一股正月二十五日竄至黃溪等

處遊擊許忠標出隊馳勦行至大洋鄉有賊數

千籠擁而來鏖戰三時賊勢不支紛紛退回正

擬進取各城探得汀州逆匪分竄彭坊官兵抵

禦不住於二十四日竄陷連城縣城查連城界  
在上下游之間所有延平之永安永春之大田  
均虞分竄而龍巖州緊接連城爲漳泉門戶難  
保該逆不復窺伺現咨提督蔡潤澤帶兵剋日  
馳赴延平遊擊劉紹基一軍本駐延平飭俟蔡  
潤澤抵防後卽行移紮建陽一面飛催總兵曾  
玉明副將林文察等星馳前進由永安清流上

杭分路進兵以冀速圖克復並飭臬司黃安綏  
添募壯勇力扼龍巖要隘俾顧下游門戶至道  
員張啟煊駐紮建陽屢飭就近由邵武進兵乃  
以餉糈匱乏並不立時前進實屬遷延護理汀  
州鎮總兵袁良代理汀州府知府程鐸防勦不  
力以致連城失陷均屬咎無可辭相應請

旨將張啟煊暫行革職仍勒令帶兵迅赴汀郡攻勦袁

艮程鐸請一併革職留於軍營責令速復郡縣  
城池如再遷延貽誤卽行嚴參治罪奏入

上諭內閣曰福建汀州逆匪由彭坊竄陷連城記名道  
張啟煊駐紮建陽經慶端等飭令由邵武進兵乃以  
餉缺爲詞遷延不進實屬玩誤張啟煊著暫行革職  
勒令迅速攻勦護理汀州鎮總兵袁良代理汀州府  
知府程鐸防勦不力致連城失陷均著革職留於軍

營責令迅復汀州連城府縣城池儻再遷延貽誤卽行嚴叅治罪

慶端瑞璣又奏言閩省現值外寇騷張內匪蠭起地方遼闊處處設兵不敷分布不得不策勵民團藉資捍衛第無公正紳士專司其事深恐有始鮮終日久生懈怠有尙書銜前太常寺卿廖鴻荃等於地方情形均極熟悉悉堪以責令辦

理省會及各府州團練事宜仍由臣等督率稽  
查俾臻周密如有應奏事件均由臣等酌覈奏  
報至該紳等果能辦有成效自當隨時奏懇  
恩施儻有辦事乖方不洽輿情者亦隨時奏明撤換總  
期聲勢聯絡衆志成城以仰副

聖主綏靖巖疆至意奏入

上諭內閣曰福建在籍之前太常寺卿廖鴻基郎中郭

柏蔭員外郎林懋勳道員沈葆楨林士傅楊和鳴知  
府黃慶安曾兆鼇郭式昌林直直隸州知州姚鏡圖  
舉人邱焞訓導梁鳳翔知縣李廷瑛知府周德建同  
知吳冠春教諭施文功知府王有樹道員莊志謙莊  
俊元知府莊爲瑤提督李廷鈺知府蘇瑞書同知彭  
霖舉人黃世誠提督鍾寶三知縣潘渭春參將吳連  
陞主事謝謙亨舉人黃鍾澤教諭林慶麟主事杜邦

槢均著會同該省地方官辦理團練事宜並著慶端瑞璫督率該官紳認真經理毋得有名無實

初四日壬戌瑞昌王有齡奏言二月二十七日辰

刻賊由沈塘竄至海鹽攻撲西門於午刻失陷  
查海鹽北至乍浦南至澉浦均不過三十里由  
海口對渡卽係紹屬之山陰餘姚地方該逆久  
欲窺伺甯紹臣等當飭已革副將張威邦等由

海甯撥兵會合平乍各軍相機撫勦並調派遊  
擊黃金祥等各帶所部與知縣江榮光礮船前  
往澉浦防守米興朝錫齡阿等復咨商署江南  
提督曾秉忠分兵援應二十八日該提督由洙  
涇親赴平湖察看形勢當卽回防酌派知縣洪  
士鏡管帶礮船二十隻留平防堵並調參將梁  
安邦管帶安勇一千名馳赴乍浦聽候錫齡阿

調遣三十日寅刻把總黃長喧等密約守備曾  
敏行拔隊前進直抵海鹽城下分攻西北兩門  
適錫齡阿派協領貴祿等帶兵五百名米興朝  
亦派兵連夜趕到乘虛攻其東南該逆猝不及  
防我軍衝殺進城斃賊無數當將城池克復先  
是平湖雖得解圍該逆仍踞鍾埭地方時圖內  
竄西路新豐一帶亦有賊蹤二十九日探得鍾

塘之賊至亭子橋經米興朝馳援擊退三十日  
米興朝因乍浦喫緊前往籌防忽新豐之賊由  
水陸並犯平湖直逼萬程橋遊擊田宗興等各  
帶所部三面夾攻擊沈賊船數隻賊仍抗拒不  
退突見曾敏行纖船鼓行而至該逆驚遁惟時  
米興朝督帶小隊自乍浦回平令田宗興等進  
勦斃賊百餘名沈毀賊船二十餘隻追至九里

亭而返鍾埭之賊被創後尙在十八橋一帶盤踞三月初一日米興朝督隊分路進發馳至鍾埭分隊設伏福臻寺楊樹橋等處大軍直抵卡下連放排槍殪賊甚衆該逆奪路而逃伏軍三面包抄米興朝復派洪士鏡礮船沿河轟擊餘逆向張涇一帶遠遁當將鍾埭賊卡盡行燒燬平境一律肅清臣等以海鹽雖復城中實形空

虛當派遊擊楊玉城等馳往駐紮以防回竄此  
次賊踞海鹽如由沿海地方偷渡甯紹浙省大  
局更屬可危所賴錫齡阿力保乍浦而米興朝  
等軍日夜鏖戰以少勝多立克海鹽縣城擊退  
鍾埭賊匪厥功甚偉合無仰懇

天恩將乍浦副都統錫齡阿交部從優議敘已革汀州  
鎮總兵米興朝開復原官署江南提督曾秉忠

賞給三代正一品封典直隸遊擊補用副將黃金友開  
缺以副將遇缺卽補並

賞加總兵銜以昭激勸其餘屢次出力之滿漢文武員  
弁兵勇容臣等會同錫齡阿覈寶保奏奏八

上諭內閣曰本年二月間逆匪竄陷海鹽經瑞昌等飭  
令已革副將張成邦等會同署江南提督曾秉忠援  
兵於二十九等日克復其盤踞鍾埭賊匪亦經已革

總兵米興朝等擊毀賊船將賊卡全行燒燬平湖境  
內肅清惟前據薛煥奏稱海鹽克復後逆賊於三月  
初八日復將該縣竄陷分犯乍浦副都統錫齡阿等  
不知下落平湖亦於初九日失陷等語此次瑞昌等  
所保各員除錫齡阿米興朝下落仍著該將軍等查  
明具奏外提督曾秉忠遊擊黃金友及其餘出力文  
武員弁著俟海鹽克復後覈其功罪具奏再降諭旨

初五日癸亥都興阿奏言三月十五日據總兵黃

開榜稟稱防守盱眙副將格洪額被叛勇勾結  
賊匪戕害部下礮船盡被賊踞撲擾三河甚急  
等情查盱眙毗連三河洪湖爲清淮屏蔽該副  
將被戕礮划卽爲賊有勢必勾結大股由湖東  
下於揚防後路關繫甚重卽飭統帶礮划都司  
魏麟彪迅由瓜州馳赴高寶湖一帶會同千總

馬步雲礮船扼要堵勦並令黃開榜帶領師船  
就近前往策應黃開榜行至花園嘴夾河口遇  
賊同該叛勇駕駛礮船數十隻排列抵抗我軍  
衝突直前順風縱火將該逆大小船隻盡行焚  
燬斃賊多名其天長六合之匪會合捻衆並江  
南安徽死黨約有數萬連夜竄至儀徵新城聯  
絡劉家集等處接連數十里意圖撲犯揚城臣

當飭總兵詹啟綸由三汊河南路進剿協領德  
雲由蔣王廟一路接應遊擊刁經明由楊家廟  
北路進剿副將劉成元分投策應於二十二日  
出隊賊匪拌死抵抗我軍奮勇爭先力戰多時  
經後隊抄擊賊始敗潰我兵追殺十餘里踏毀  
賊壘數處斃賊千餘名敗賊奔竄天長及由儀  
徵胥浦橋一帶而遁該逆現由江南調賊圖竄

瓜州揚州天長逆匪復分股竄擾湖西以圖東犯高寶湖防萬分契緊臣惟有激勵兵勇水陸堵勦務遏賊蹤以期保固揚防後路奏入

上命軍機大臣傳諭都興阿黃彬曰盱眙防守副將格洪額被部下叛勇勾結逆匪戕害前經袁甲三具奏已明降諭旨令查明有無激變各情辦理矣惟天長六合逆匪糾合捻逆並江南安徽逆黨數萬竄至儀

徵新城等處圖犯揚城雖經該將軍分路進剿賊衆潰敗但該逆又有由江南糾賊復竄瓜揚之信此時防勦極關緊要其天長逆匪分股竄擾湖西以圖東犯高寶一帶尤宜加意防範著都興阿黃彬嚴飭將弁分投堵勦毋使賊匪竄擾

初七日乙丑薛煥奏言逆匪久踞嘉善近復連陷各城緊逼蘇境而金山縣治之洙涇與金山衛

城尤首當其衝臣與曾秉忠調派水陸各軍節  
節嚴防旋聞嘉善之賊屯聚楓涇平湖之賊竄  
近新埭當飭遊擊虎崑揚等駐紮洙涇會同金  
山縣知縣周紹濂督率兵圍以扼楓涇竄路並  
令守備曾敏行等迎勦新埭之賊曾秉忠仍親  
督礮船以繼其後曾敏行等於三月十一日敗  
賊於大通橋乘勝直抵平湖奮勇登岸殺賊無

數突有海鹽乍浦援賊屬至致被圍困洪士鏡  
力戰陣亡曾敏行身受槍傷正形危急適曾秉  
忠礮船駛至立將逆匪擊敗曾敏行衝出重圍  
裹創復戰匪勢不支竄入城內我軍收隊回營  
十六日突有賊船三四百號陸路賊匪數千人  
由新埭竄至謝鴻盛濱廟等處楓涇之賊亦竄  
至興塔地方曾秉忠派令曾敏行等軍擊賊於

龍頭興塔大泖塘等處均有斬殺十七日兩路之賊仍水陸並進另股在大泖塘淺處偷渡並欲搭造浮橋經守備林隆祥等登岸截殺擊斃甚多十八日賊分三路而來一由新埭一由楓涇一由大泖塘水陸並進勢尤兇猛曾秉忠當飭林隆祥等勦大泖塘之賊守備曾守忠等勦楓涇之賊親督礮船駛赴新埭該逆正由鍾埭

來撲我軍槍礮齊施斃賊甚衆擊沈賊船一百  
餘號餘逆敗向平湖城中而去查嘉善之賊分  
途競撲曾秉忠督率將士力遏兇鋒惟該逆尙  
踞各城必將復出肆擾且金山衛城爲黃浦東  
南各廳縣門戶向以乍浦爲屏蔽自乍浦失守  
後賊蹤頻來窺伺亟須鎮以重兵無如松江及  
寶山上海各路要隘均屬契緊防軍礙難調動

臣於無可抽撥之中酌調駐防真如之副將勝  
嗣林帶勇一千名都司龔得貴帶勇三百餘名  
馳赴金山衛城扼要駐紮一面收集浙省潰兵  
協防衛城要隘已革總兵米興朝已於十二日  
由平湖退至洙涇卽令統帶前往臣復檄飭川  
沙金山奉賢南匯四廳縣團練併力防勦至各  
營將士擊賊屢勝著有微勞臣暫行存記俟續

有勞績彙案請獎知縣洪士鏡臨陣捐軀殊堪  
憫惜應請

飭部從優議卹奏入

上諭內閣曰嘉善平湖逆匪分股竄近江蘇金山縣境  
經署提督曾秉忠等督隊迎剿屢戰皆捷著薛煥嚴  
飭將士乘勝追勦會同浙江官軍克復平湖等縣毋  
任蔓延此次出力將弁著該撫暫行存記俟續有勞

續再行獎案請獎陣亡知縣洪士鏡著交部從優議  
卽至已革總兵米興朝前據薛煥奏稱不知下落曾  
諭令瑞昌等查明具奏現在該革員帶勇退至珠涇  
顯有畏葸逃避情事著薛煥就近查明據實具奏

初十日戊辰貴州提督田興恕署貴州巡撫何冠

英奏言二月三十日粵逆竄至畢節縣城外之  
梓潼關一帶滋擾查該縣距四川永甯縣僅三

百餘里中以赤水河爲界沿河上下處處可通  
臣等以該匪勢窮走險飄忽無常難保不乘虛  
竄入川境當飭總兵楊巖寶周學桂等各率所  
部由大定馳赴畢節會合參將李有恆實力夾  
擊並派都司田興發一軍由小壩進紮或從旁  
截擊或攔頭迎剿與周學桂等會合速將此股  
賊匪悉數勦除惟該匪豕突狼奔原無定向川

省防守宜嚴應請

飭下四川督臣飭令沿邊文武實力堵截毋令該匪竄入川境又肆蔓延奏入

上命軍機大臣傳諭田興恕何冠英崇實駱秉章曰粵匪窺伺川省已久現竄及畢節亟應就地撲滅以免蔓延田興恕等派援之總兵楊巖寶等著卽飭令督兵前進繞出賊前務於畢節地方悉數殲除毋得徒

事尾追並著崇實速飭沿邊地方文武實力堵截如  
兵力不敷卽調派得力官兵速赴永甯一帶會合黔  
軍前後夾攻以期盡殄醜類駱秉章計已入川應否  
親統官軍前往南路督勦抑或分兵助勦之處著斟  
酌情形妥籌辦理

十一日 己曾國藩奏言臣以厯日地當要隘於  
祁門抽兵駐防以副將沈寶成統之二月二十

三日西路擇根嶺外之賊破卡而入竄至箬坑  
北路之賊亦破禾成嶺而入提督江長貴由柏  
溪馳援尙爲得手二十五日箬坑之賊圍撲歷  
日約近萬人並有賊百餘扼踞石橋截我歸路  
我軍堅壁固守勢甚危急臣當派副將朱品隆  
率兵由祁門赴援賊始解圍二十六日朱品隆  
派同知朱聲隆等由歷口之右翻山繞出自與

沈寶成等由厯日之左沿河夾擊而出以副將  
胡暉堂等各帶哨隊伏後接應朱聲隆等行距  
汪村二里許正值賊匪大股前來我兵奮力擊  
斃黃衣悍賊數名朱品隆等將塘下陳田葉村  
各匪擊敗亦追抵汪村左右夾擊賊遂大潰我  
軍乘勝追至舉根嶺始行收隊計斃賊九百餘  
名生擒僞丞相宋先詳等三十七名解散脅從

以千計敗賊悉遁嶺外北路犯嶺之賊二十三  
日竄撲禾戌嶺卡並分犯湘源楓樹嶺等處江  
長貴親督遊擊王金鼎等往援適犯楓樹嶺之  
賊經都司馬登富等由湘源老嶺腳兩路抄截  
賊遂合股直犯禾戌愈戰愈多我軍併力衝殺  
賊始敗退是日有股匪竄犯方干嶺我軍分路  
堵勦將該逆擊出嶺外二十四日賊復分犯禾

戊楓樹大洪三嶺及湘源隘口江長貴派王金  
鼎專顧左路已革副將羅承勳專顧右路自率  
親軍及遊擊林耀等設伏以待迨該逆大至我  
軍伏兵齊出斃賊甚多其犯楓樹嶺之賊亦經  
遊擊江國林等擊敗惟湘源一股尤爲兇悍分  
三路來撲馬登富專壓右路山梁馬懷珍扼堵  
左路山梁守備達玉元等從中路憑卡轟擊斷

其首尾斃賊無算其時都司曹貴亦由大洪嶺  
抄出策應賊見我軍厚集大潰出嶺是日犯方  
干嶺之賊經參將袁國祥等擊退犯釣魚嶺之  
賊經守備達金龍等擊退此次出力員弁應卽  
附於前案保獎以示鼓勵奏入

上諭內閣曰逆匪竄撲西路厯日北路禾戌等嶺官軍  
分路截擊大勝勦辦尙屬得手著曾國藩嚴飭將士

乘勝將嶺外賊匪悉數殲除毋留餘孽此次出力員  
弁准其彙入前案保獎

曾國藩又奏言三月初二日臣派祁門黟縣防  
兵九千餘人齊赴休甯大舉攻徽臣亦親赴休  
甯就近調度初四日由休甯分兩路前進西路  
以副將唐義訓爲主副將沈寶成同知朱聲隆  
輔之是夜住宿岩市街北路以道員張運蘭爲

主副將婁雲慶參將楊鎮魁張應超輔之途次  
攻破潛口賊巢斬馘百餘人是夜住宿潭木地  
方初五日西路唐義訓等營由岩市前進行過  
七里亭城賊出北門搦戰各哨不俟號令衝過  
古虹橋賊匪佯敗我軍搶上山梁騎賊數百由  
右包抄我軍前阻堅城後隔河水不能施展適  
驟雨如注衣服火藥盡溼騎賊皆用洋槍乘我

於危遂致挫敗副將葉光岳胡玉元力戰死之  
弁兵傷亡二百餘人北路張運蘭等因雨收隊  
各軍稍爲休息初十日再進專由北路行走十  
日列隊於大里富場等處賊亦負城排隊相  
持竟日無隙可乘是夜唐義訓住宿槐塘張運  
蘭住宿大里賊於二更忽出萬餘人由西路包  
抄而來焚村劫營槐塘村莊首先被焚強中等

營挫潰張運蘭等見前村被燒齊出村房列隊  
山上得以保全無恙次日同回休甯其祁門黟  
縣各軍皆回原營查徽郡之賊精悍者不過數  
千本可力戰攻取乃機緣不順兩次未能得手  
副將唐義訓初次以號令不嚴過橋輕進二次  
以哨探不遠被劫驚潰均難辭咎姑念平日謹  
慎屢著功績請與副將沈寶成均以遊擊降補

同知朱聲隆請以知縣降補以示懲儆副將葉光岳胡玉元均請交部從優議卹奏入

上諭內閣曰逆匪盤踞徽州府城經曾國藩派令副將唐義訓督隊進攻乃初次以輕進失挫迨整隊復進被賊乘夜焚村劫營以致驚潰實屬咎無可辭唐義訓副將沈寶成均著以遊擊降補同知朱聲隆著以知縣降補陣亡副將葉光岳胡玉元均著交部從優

議卹

曾國藩又奏言僞侍王李侍賛糾合大股竄陷  
婺源分踞清華街左宗棠親率各軍進剿至月  
初二日飭老湘營等軍進紮傅村探知清華街  
之賊分踞石嶺嚴田一帶意圖由甲路分犯浮  
梁景德鎮遊擊王開琳等於初六日進紮甲路  
扼之甫築營壘賊已由石嶺嚴田竄至王開琳

等分路進攻斃賊四五百名賊始敗走我軍乘勝力追復斬騎賊二百餘人步賊二千餘人生擒百餘人是夕賊退清華街初七日仍糾大股徑撲甲路營盤我軍奮擊卻之因賊勢過盛王開琳等請兵助勦左宗棠飭遊擊羅近秋等各率所部赴甲路助之探聞婺源之賊已竄過中雲初八日左宗棠親率各營進駐鯉魚橋於是

分駐甲路之八營與左宗棠相距漸遠初九日  
逆衆由石嶺分三股直趨甲路王開琳亦分兵  
三路迎擊殺賊四五百人其後股悍賊亦經我  
軍擊斃千餘人該逆大敗而走是日婺源大股  
賊匪已由中雲竄入樂平界左宗棠卽率各營  
移紮樂平之柳家灣飭後營駐紮黃泥頭橫出  
截之十一日該逆由沿溝湧山大路而來我兵

正由湧山前進突出截之賊衆大潰追殺十餘  
里斃賊近三千人是日羅近秋等兩營甫抵甲  
路該逆連夜在徽州添糾大股以圖合圍我軍  
十二日賊黨大至各營面面皆賊遊擊陳明南  
往來盪決中礮陣亡王開琳等率各營極力堵  
禦賊始卻退王開琳等以賊衆兵單子藥米糧  
已無存留共議全師出險之策於十六日退還

景德鎮共計先後陣亡五十餘人查陣亡遊擊  
陳明南前於克復德興婺源案內擬保副將銜  
應請照副將例議卹其同案擬保外委陳石臺  
等均照擬保各職請卹奏入

上諭內閣曰賊目李侍賈糾黨竄陷婺源分踞清華街  
經左宗棠督軍進剿扼紮甲路奮力衝殺賊衆敗遁  
另有大股竄入樂平界復經左宗棠親督勦沈追殺

十餘里該逆糾添大股圍攻甲路營盤遊擊陳明南  
中礮陣亡殊堪憫惻著交部照副將例議卹陣亡之  
擬保外委陳石臺擬保把總趙玉蓮曾文清喻拔元  
陳正彪均著照擬保各職交部議卹

曾國藩又奏言二月中旬景德鎮十分喫緊臣

飛檄皖南鎮總兵陳大富迅率駐守建德之四  
千餘人馳赴景德鎮相機防勦三月初三日臣在

休甯營次據左宗棠函稱景德鎮於二月三十  
日失陷該軍救援不及現已移紮樂平等語臣  
以景鎮失陷祁門糧路斷絕當檄鮑超一軍急  
赴鄱陽一路會同左宗棠之師夾擊其時文報  
梗塞景德鎮附近一二百里一片賊氣失陷情  
形無從查悉嗣據糧臺委員知府張秉鈞稟稱  
二月二十九日賊衆數萬在牛角嶺柳家灣迴

龍嶺三處潛匿距鎮約三十里午刻馬賊百餘  
由景鎮之南雙鳳橋竄至李村步賊繼之陳大  
富督全軍迎擊賊不戰而退三十日黎明大霧  
迷漫該逆趁霧偷過雙鳳橋一伏於都司陳科  
登營壘之東一伏於遊擊胡鳳離營壘之南陳  
大富待霧散後躍馬當先參將田應科隨其後  
將過橋之賊悉行擊退詎該逆大股由景鎮東

而觀音閣抄出我軍分投截擊隊伍稍散而雙  
鳳橋之賊卽乘虛而入陳大富當先抵禦正中  
敵子穿過右乳猶裹創力戰該逆分途抄襲業  
已進營放火陳大富負傷血戰見營盤火起跳  
入李村河殉節其麾下參將田應科等同時力  
戰殉難臣自至皖南於江西省設立總糧臺景  
德鎮設立轉運糧臺派張秉鈞等經理軍械子

藥概置舟次水師護之三十日騎賊已撲至西  
瓜州幸水師均在州下之鵝頭灘施放大礮賊  
不敢逼張秉鈞將軍裝坐船開至西岸卽令護  
臺水師保護駛赴下游馬家澗復分礮船爲前  
後中三路護衛各船於四更闕行天明駛至古  
縣渡賊圍圍我船隻搶我軍火乘夜趕築浮橋  
我軍乘其未合奮力衝出賊見前隊師船去遠

飛開快划緊趕我軍且戰且走各船賴以保全  
僅失去鉛子帳棚兩船餘均無失查皖南鎮總  
兵陳大富此次景鎮督軍血戰力竭捐軀大節  
凜然應請

飭部照總兵例從優議卹並於南陵建立專祠以表忠  
蓋而留遺愛其所部擬保副將田應科等隨同  
殉難尤堪憫惄均請照擬保官階從優議卹並

附祀陳大富祠中以慰忠魂至水師救護糧臺  
尤爲出力之遊擊任星元等可否懇

恩獎勵以昭激勸

曾國藩又奏言江皖之賊分四大股一曰僞定  
南主將黃汝金卽上年十一月攻破建德連陷  
六縣者也經左宗棠扼之於景德鎮鮑超破之  
於洋塘黃麥鋪現聞該逆已赴援安慶矣一曰

僞右軍主將劉官方盤踞池州涇旌石埭等處  
去年冬月破羊棧嶺本年正月破大赤嶺大洪  
嶺二月破櫟根嶺皆係劉逆之黨此股在嶺外  
距臣軍最近戰事最多一曰僞侍王李侍賈卽  
去年八月攻陷徽州者也本年二月竄擾景鎮  
樂平一帶左宗棠一軍二月與侍逆大戰數次  
臣於本日另摺具報三月又大戰數次該逆已

敗潰而去鄱陽景德鎮浮梁樂平一律肅清容  
臣查明另行具奏一曰僞忠王李秀城去年十  
月攻陷羊棧嶺經鮑超痛勦破之十一月竄陷  
浙江之嚴州江山常山等處本年正月攻圍廣  
信玉山廣豐二月攻圍建昌撫州均以堅守得  
完現聞竄至吉水永豐一帶距祁門一千餘里  
文報久梗莫悉其詳除李秀城一殷應由江西

撫臣奏報外其餘三股環繞祁門幾於無路不梗無日不戰仰託

聖主威福疊獲大勝各股悍賊均已退竄皖南軍務日有起色惟皖北四眼狗救援安慶夾攻官兵營盤十分危急現已調鮑超一軍由景德鎮馳援安慶臣亦卽日拔營移紮東流就近調度奏入上諭內閣曰逆賊竄撲景德鎮經曾國藩派令總兵陳

大富帶兵往援二月二十九日賊由鎮南竄至李村被擊敗退三十日乘霧竄過雙鳳橋分股由觀音閣抄襲陳大富督兵迎擊身中礮子負傷血戰旋因營盤被焚投河殉節參將田應科等亦皆力戰陣亡其水次轉運糧臺軍械等項該逆意圖搶掠經遊擊任星元等保護尙無損失據曾國藩另片奏鄱陽景德鎮浮梁樂平現已一律肅清著卽將克復情形查明

迅速具奏安徽皖南鎮總兵陳大富力戰捐軀殊堪  
憫惄著照總兵例從優議卹並於南陵建立專祠隨  
同殉難之擬保副將田應科擬保叅將蕭傳科胡占  
龍擬保遊擊胡鳳離熊定邦吳定魁擬保守備羅廷  
材均著照擬保官階從優議卹並附祀陳大富專祠  
以慰忠魂其救護糧臺尤爲出力之遊擊任星元著  
以參將儘先拔補並賞加副將銜守備謝洪春著以

都司儘先補用並賞換花翎從九品楊榮炳著以縣  
丞遇缺卽選並賞戴藍翎

欽定勦平粵匪方略卷二百六十三

辛酉年

四月十二日

庚午

瑞昌王有齡奏言據遊擊黃金

祥等稟稱三月初八日嘉興大股賊匪直撲海

鹽遊擊楊玉成督率隊伍於西門外迎敵証該

逆已抄小路竄入東北兩門當卽失守千總盧

應元退回海甯黃金祥受傷甚重退往張家河

養傷將所部之勇歸米興朝調遣初九日海鹽

逆匪直撲乍浦因閩廣游匪爲賊內應以致官軍失利乍城被陷錫齡阿陣亡米興朝退守洙涇等語查乍浦係出海要口不但甯紹各屬一葦可達且溫台等處在在可通若該逆得船偷渡漸東大局不堪設想臣一面行令沿海府縣封禁渡船嚴防口岸一面咨商薛煥曾秉忠分軍由平湖進以攻其後札飭張威邦王振聲分

軍由海甯進以攻其前並催總兵袁君榮督帶  
艇師駛赴乍浦一帶洋面守備布良帶等礮船  
統歸節制乘該逆布置未定迅速進兵水陸會  
剿庶可立復鹽乍兩城至各海口已由署甯紹  
台道張景渠等雇募廣艇礮船分駐入港要口  
其紹興沿海一帶地方當派員外郎謝敬督率  
練勇嚴密巡防以期力保完善

瑞昌王有齡又奏言正繕摺聞接薛煥咨稱平  
湖於初九夜閒失陷遊擊楊玉成田宗興均退  
至洙涇米興朝尙無下落曾秉忠當令楊玉成  
等收集潰散暫紮金山衛城以資堵勦十二日  
賊竄大通橋一帶偏近新埭經守備曾敏行知  
縣洪士鏡等擊退嗣副將黃金友商令乘勝進  
攻平湖縣城詎海乍逆賊分股來援重重圍裏

汙土鏡力竭陣亡幸官軍縋至曾敏行始得潰  
圍而出復回軍將賊擊敗奪獲賊船四十餘隻  
內有號衣甚多均係姚江奮勇字樣等語遊擊  
楊玉成田宗興不能力保城池咎有應得現經  
薛煥等派紮金山應請

旨革職留營以觀後效副將黃金友一軍雖潰退於前  
旋與曾敏行等衝進平湖縣城進城後是否得

出容俟查明辦理至所稱姚江奮勇查係餘姚  
縣紳士謝敬管帶之勇現在防堵餘姚海口賊  
匪私造號衣希圖假冒其窺伺甯紹之意更屬  
顯然惟有檄飭各防嚴密盤查認真堵禦奏入  
上命軍機大臣傳諭瑞昌王有齡王履謙曰前據薛煥  
奏海鹽等處失守當諭瑞昌王有齡迅撥勁旅會勦  
乍浦爲出海要口甯紹溫台在在可通若該逆偷渡

浙東大局不堪設想該將軍等咨商薛煥曾秉忠分  
軍由平湖進攻並令張威邦袁君榮等艇師迅速前  
進水陸會剿著飭該員等迅克各城毋令逆匪久踞  
並令張景渠等嚴扼各海口勿使闖入浙東擾及完  
善乍浦與紹屬之龕山丁家堰瞬息可達該處防務  
喫緊著王履謙激勵民團實力守禦賊匪私造姚勇  
號衣意在竊伺甯紹尤應嚴密稽查昨據薛煥奏米

興朝帶勇退守洙涇顯有畏葸逃避情事已諭薛煥  
就近查奏其錫齡阿黃金友及地方各文武下落仍  
著瑞昌王有齡查明據實具奏

上諭內閣曰此次賊陷浙江平湖縣城遊擊楊玉成田  
宗興帶兵退至洙涇不能力保城池雖因賊衆兵單  
究屬防勦不力楊玉成田宗興均著革職留營以觀  
後效

瑞昌王有齡又奏言遂安克復後餘匪盤踞獅子口以上各村並有馬步二三千人虜集小金山對岸接應二月二十七至三十等日張玉良派水陸兩軍進剿轟斷該逆所搭浮橋淹斃及殺斃者甚夥賊由東源逃往威坪立將東源賊營二十餘座踏毀三月初一日張玉良親督各軍由湧安前進而北岸西灘以下南岸梓桐源

山口均有賊據當派隊分投攻勦賊均棄卡而逃一竄雲頭一退踞梓桐源山內初三日各軍出隊進攻威坪又將浮橋拆斷淹斃賊匪數百人守備任光謙等率敢死士先撲進威坪鎮口忽賊衆自山梁壓下參將羅大春等帶隊衝入槍礮環攻該逆四散奔逃遂將威坪鎮克復遂安湻安境內肅清惟於潛昌化爲賊占踞其自

徽甯竄來者亦復不少以致新城分水地界均  
被蔓延臣等以嚴州軍情稍鬆咨商張玉良迅  
速分兵由新城一路而進立圖克復探聞該逆  
竄至硤石地方臨安勇目胡廷虎等進攻失利  
賊由硤石竄至臨安西門外十六日竄至冷水  
橋橫板溪復翻山至青山腳十七日又由青山  
至白塔坂等處距餘杭僅十五里並分股擾至

花戲臺花牌樓一帶該處離富陽之桐篴等嶺均不過數里之遙查該逆竄過臨安更有分犯富餘窺伺省垣之慮惟有飛催張玉良派兵迎擊力扼兇鋒調各礮船排泊富桐江面嚴防偷渡奏入報

十七日乙亥官文胡林翼李續宜奏言三月十三

日探報僞英王陳玉城於德安隨州各留悍賊  
拒守牽掣我軍該逆仍糾集死黨由蘄州黃廣  
回竄宿松境內繞竄宿松縣屬之桃花鋪多隆  
阿卽派副都統溫德勒克西金順各率所部馬  
隊官兵馳往迎擊十四日我軍正在紮營該逆  
漫山而至溫德勒克西等乘其喘息未定奮起  
擊之斬馘多名陳逆徑竄石牌而入安慶於集

賢關外築壘抗拒多隆阿以賊衆我寡必須添  
調步隊出奇制勝親自督師前進當派總兵雷  
正綰等各率精兵馳往迎勦並派吉林黑龍江  
各起馬隊爲懷桐兩路策應二十日進紮高  
路鋪二十二日探報桐城廬江逆首僞璋王林  
紹璋僞玕王洪城玕僞前軍吳如暉等率大股  
自新安渡至橫山鋪練潭一帶連營三十餘里

將由馬踏石過河竄往安慶與陳逆聯合圖解  
城圍多隆阿於二十三日分飭雷正綰等由下  
路出擊練潭參將穆正春等由中路出擊橫山  
鋪參將余福象等由上路抄擊後山埋伏之賊  
又令溫德勒克西等各率馬隊由左路金神墩  
襲賊之後爲牽制之師分途而進該逆出抗我  
軍奮勇齊攻殪悍賊數十人適余福象等由橫

山後抄至將賊裏在核心前後夾擊屍橫遍地  
維時新安渡又出援賊萬餘揚旗疾至多隆阿  
傳令以三營步隊擊其首以五營步隊擊其腰  
而以馬隊繞擊其尾該逆前後失措登時潰敗  
我軍圍殺殆盡餘賊奔回桐城計斬黃衣賊目  
五名陣斃及溺水死者共一萬餘人二十四五  
等日逆首黃汝金與敗逆林紹璋等又由蕪湖

調到新賊七八千人並捻匪二萬餘人均至天  
林莊築壘二十餘座欲洩前忿竄入安慶二十  
七日多隆阿密飭馬步隊分伏山隘以馬隊數  
十人誘之該逆果率大隊猛撲行五六里我軍  
伏兵齊起金順等馬隊分兩路包抄斃賊又二  
千餘名敗逆竄回天林莊原壘臣胡林翼現添  
調介字等營並調回副將成大吉一軍多隆阿

復添調義中等十三營剋期會勦以期埽平賊  
壘進克堅城此次勦辦尤爲出力各員謹先行  
開列懇

恩獎勵其餘在事出力人員容臣等查明擇尤彙保奏  
八

上諭內閣曰官軍截勦安慶援賊連獲大勝勦辦甚爲  
得手著官文等乘此聲威飭令多隆阿等迅埽賊壘

克復堅城毋留餘孽尤爲出力之參將穆正春姜玉  
順楊正彪均著免補參將以副將儘先卽補參將銜  
朱希廣著賞加副將銜副都統銜協領富平阿前因  
隨勦不力降旨摘去項戴並交部議處此次奮勉立  
功著賞還項戴開復原叅處分其餘在事出力員弁  
著官文等擇尤彙保

官文胡林翼李續宜又奏言皖逆前由英霍八

楚竄踞黃州疾趨德安孝感隨州等屬因楚師全駐皖疆鄂省存兵無多勦守均難足恃臣官文督同文武員弁扼要嚴防並飭上下江面水師礮船晝夜梭巡賊匪無由偷渡嗣臣李續宜及舒保統率所部於二月二十日均繞至省垣與臣官文面商機宜以賊勢趨重孝感德安隨州等屬窺伺荆襄正值捻逆出巢由南陽竄入

楚境上游老河口逼近襄陽荆襄爲中原重鎮  
一有疏失北路大局所關較黃州尤爲喫重臣  
等權其緩急臣李續宜以大隊直擣孝感卽於  
收復縣城後進攻德安隨州仍令成大吉等軍  
勦辦黃州之賊現成大吉調援安慶彭玉麟督  
率水師於外江內湖節節布置臣官文又以李  
續棟等軍赴黃州武昌一帶攻剿賊由蘄州暗

通興國等處土匪勢將蠢動復派知府唐協和  
等率馬步一千三百名前往大江南岸之興國  
大冶一帶扼紮兼助北岸黃州各軍聲勢至駱  
秉章援蜀一軍前經臣等奏請暫留助鄂援江  
嗣駱秉章分撥道員劉嶽昭所部勇丁四千六  
百人於三月初旬行抵安陸經臣官文飭令馳  
往隨州兼保安襄門戶臣李續宜以濁日爲老

營已令道員金國琛等統率各營會同舒保馬  
隊進駐德郡之東北偏城而壘惟該逆於德安  
隨州城外環築木椿數道周以深濠我軍節次  
仰攻未易得手三月二十六日德安城賊由北  
門出二千餘人撲營經馬步各軍擊退是夜有  
大股分路圍挾舒保等督軍迎勦陣斬賊目四  
名斃悍賊五百餘名賊仍敗退入城查前次攻

克孝感及攻勦德郡尤爲出力之吉林委營總  
安圖桂廉額懲

天恩賞加勇號以示鼓勵奏入

上諭內閣曰吉林委營總安圖桂廉前次克復孝感及  
攻勦德安逆賊甚爲出力自應量予獎勵安圖著賞  
給圖蘇克特依巴圖魯名號桂廉著賞給伊拉古勒

巴圖魯名號

同日曾國藩奏言據左宗棠咨稱二月十六日全軍回駐景鎮後大股逆匪由鄱陽故縣渡偷渡昌江圖圍景鎮二十四至二十六等日我軍敗賊於袁家灣太園石板橋二十九日賊之後隊由桃嶺范家墩頭竄踞磬丹街一帶當派各營分路進剿行抵范家村賊大隊萬餘人分兩枝林立我軍槍礮連施適左路之軍衝殺前來

截賊兩段始紛紛潰竄我軍合隊追至箬丹街  
沿途踏毀賊巢五處計殺悍賊三千餘名陣斬  
僞謝天義黃勝才等賊目百數十名方擬乘勝  
追勦三十日賊由柳家灣湘湖街竄入景鎮淪  
陷左宗棠所駐之金魚橋三面皆賊後路復斷  
三月初一日移繁樂平探知僞侍王李侍贊分  
遣賊黨留踞景鎮親率大股圖攻樂平初五日

賊至桃嶺砦前一帶初六日各營三路進剿比  
抵馬家橋見賊隊列十數層山谷皆滿各營奮  
力衝殺賊勢稍卻追至桃嶺見大橋賊目從山  
坳突出悍賊百餘護之營官黃少春率健卒持  
矛叢刺斃悍賊十餘人該賊目棄轎而逸賊衆  
大潰斃賊約三千名初七日景鎮之賊一由柳  
家灣竄至湧山厚田一由團嶺竄至龍珠蔡家

灣並蔓延桃嶺太園等處初八日飭左右老湘等營分三路前進比過塔前賊卽列隊桃嶺一帶蠭擁而來左營自中路直撲鏖戰多時賊勢稍卻另股自兩邊山內齊出包抄正圍困閒適守備馬德順率馬隊橫截而來老湘等營亦由右路抄出右營由左路抄出轉敗爲功斃賊百餘初十日賊大隊萬餘由龍珠桃嶺一帶湧至

排列山岡並於附近村莊放火意在擋我軍急  
戰我軍按兵不動賊匪猛撲後營營盤州同張  
聲恆率隊衝鋒遊擊黃少春副將崔大光從兩  
旁夾擊賊仍抵死抗拒各營兩路繼進中營及  
各總哨亦疊出策應賊見我軍愈戰愈奮紛紛  
敗潰擬保副將羅近秋匹馬衝入右脅被槍子  
洞穿登時陣亡擬保守備李啟昭等均力戰陣

亡窮追二十里至龍珠始還計斃長髮悍賊千  
數百名訊據獲賊供稱裨天義李尙陽等初六  
日大敗後擬卽退竄景鎮僞侍王李侍賈不許  
復調祁門賊黨並挑選景鎮悍賊親率前來誓  
與官軍決一死戰本日後隊尙未到齊也左宗  
棠以賊將復至飭各營傍樂平縣城東南加修  
外濠一面調前營四哨入城代守西北一面各

營自守外濠十三日賊股肅至距城營六七里  
層層布陣寬廣十餘里各營憑濠植立寂靜無  
譁午刻賊撲外濠官軍俟其逼近排槍轟擊相  
持一晝夜斃賊數百名樂平縣城坍塌已久各  
營連夜修砌略具城形而該逆環攻徹夜不息  
其城外民房燒燬未盡者賊伏其中穴牆開礮  
弁勇屹立城頭未敢少避十四日賊之大隊漸

由東北趨撲西城勢殊危迫卽選道王開化知  
縣劉典以西城地勢太偏搶護殊難請調各營  
齊赴外濠出賊不意擊之計議甫定王開化率  
隊由南門趨西路王開琳率隊趨右路左宗棠  
自與劉典趨中路每賊一枝以官軍一隊當之  
未刻各營齊抵濠邊中路發號各路躍出外濠  
大呼殺賊賊駭愕不知所爲我軍縱橫盪決無

不以一當百擬保遊擊史聿舟中槍陣亡各營  
將士憤極戰益奮賊屍徧地我軍追至高橋小  
溪收隊而還計斃賊四五千人陣斬賊目十數  
名燒燬賊壘二十餘座據生擒賊供初十四日  
兩戰李向陽幾爲官軍所獲李侍贊於十四日  
改裝潛遁查李侍贊此次竄擾景鎮樂平鄱陽  
一帶長圍近三百里幾成燎原之勢左宗棠一

軍前後轉戰三十餘日六獲大捷斬馘殆近二  
萬樂平浮梁鄱陽景德等處一律肅清洵足寒  
賊膽而快人心候補三品京堂左宗棠去冬拒  
黃汝金大股今春破李侍賛大股解祁休之長  
圍振江皖之全局勳績甚偉應如何獎勵之處

出自

天恩卽選道王開化沈毅忠實謀勇兼優請

貢加布政使銜並

賞給該員祖父母父母兩代二品封典知縣劉典善審  
地勢身先士卒請以直隸州知州遇缺卽選並  
賞戴花翎其餘出力文武員弁容俟查明擇尤保獎陣  
亡之擬保副將羅近秋請照副將例從優議卹並入  
擬保遊擊史聿舟請照遊擊例從優議卹並入  
祀湖南昭忠祠擬保守備李啟昭等及傷亡之

擬保都司趙克振等均請照例議卹以慰忠魂

奏八

上諭內閣曰此次左宗棠親督各軍前後轉戰三十餘日六獲大捷斬馘幾二萬人樂平浮梁鄱陽景德等處一律肅清左宗棠屢挫賊鋒奮勇可嘉著發去白玉搬指一箇白玉喜字翎管一枚小刀一把火鎗一把大荷包一對小荷包四箇交左宗棠祇領以示優

獎其在事尤爲出力之卽選道王開化著賞加布政使銜並賞給該員祖父母父母二品封典知縣劉典著以直隸州知州遇缺卽選並賞戴花翎其餘出力文武員弁著曾國藩查明保奏陣亡之擬保副將羅近秋著照副將例從優議卹擬保遊擊史聿舟著照遊擊例從優議卹均准其入祀湖南昭忠祠擬保守備李啟昭都司聶常本守備張致和外委聶福申千

總孫紹凱並傷亡之擬保都司趙克振擬保守備周  
崇高把總楊清和均著照例議卹

曾國藩又奏言候補三品京堂左宗棠前在湖  
南撫臣幕中佐辦軍務肅清本省援勦鄰封屢  
奏大功久在

聖明洞鑒之中上年奉

旨襄辦臣處軍務募勇五千餘人馳赴江皖之交方慮

其新軍初立難收速效乃屢擊黃汝金李侍賈  
各大股以數千新集之師破十倍兇悍之賊因  
地利以審敵情蓄機勢以作士氣實屬深明將  
略度越時賢可否顙懇

聖恩將左宗棠作爲幫辦軍務俾事權漸屬儲爲大用  
之處出自

聖裁奏八

上諭內閣曰候補三品京堂左宗棠著幫辦曾國藩軍務

曾國藩又奏言臣於四月初一日馳抵東流鮑超於三月二十五日自景德鎮拔營初一日馳抵下隅坂其所統全軍擬令卽日渡江救援安徽逆首四眼狗陳玉城於三月十八日逼撲安徽盤踞集賢關內外安慶官軍曾國荃等營城

賊撲之於前援賊撲之於後勢殊危急幸去秋以來開掘長濠二道有前濠以圍城賊有後濠以拒援賊現相持十三日仰託

皇上威福尙能堅守無恙臣與官文胡林翼等熟商賊以全力救安慶我以全力爭安慶以多隆阿鮑超兩軍會勦集賢關之賊李續宜亦派十營回皖協勦必須攻破陳逆迅克安慶大局乃有挽

回之日金陵乃有恢復之望至徽州布置事宜  
派令道員張運蘭守休甯總兵朱品隆守祁門  
湖北提督江長貴守柏溪副將唐義訓等守濂  
亭沈寶成等守歷口參將楊鎮魁等守羊棧嶺  
均囑以暫主堅守勿遽進剿臣至東流僅帶五  
百人以行餘皆留防嶺內其左宗棠一軍自擊  
破僞侍王殷匪後現已跟蹤追剿無論竄皖竄

聞

江均當伺其所向而痛懲之奏入報

十九日

丁丑

薛煥奏言據提臣曾秉忠咨稱二十

一至二十五等日悍賊萬餘竄撲洙涇我軍分

路迎剿生擒長髮老賊四十五名斬馘擊斃者

無數乘勝追襲賊巢將楓涇賊卡悉數埽除賊

皆竄回嘉善城內新埭外塘之賊亦退入平湖

惟新埭鎮逼近洙涇該逆堅築壘卡與我相持  
大股萃於乍浦頻窺金山衛城意圖竄擾黃浦  
臣與曾秉忠商度形勢飭令副將滕嗣林會同  
已革總兵米興朝在金山衛城外海塘等處分  
紮以扼乍浦來路都司龔得貴會同副將黃金  
友紮營平湖新埭適中之明珠庵三官堂以成  
犄角之勢至滕嗣林調赴金山其真如鎮營盤

飭已革遊翠王萬劍等帶兵扼繁並飭參將李  
恆嵩嚴防松江廣富林一路近日嘉定青浦之  
匪時以遊騎窺犯松江意在牽掣我師而併力  
圖逞於金山又聞蘇州逆首陳坤書調集賊黨  
數萬欲爲嘉善平湖乍浦各路援助逆氛環偪  
兵力不敷分布臣與曾秉忠竭力籌維相機進  
勦仍望浙省迅撥勁旅合力夾攻庶辦理得有

把握奏入

上命軍機大臣傳諭瑞昌王有齡曰據薛煥奏嘉定青浦逆匪竊犯松江冀竄金山又聞蘇州逆目欲爲嘉善平湖乍浦各路援助兵力不敷惟望浙省迅撥勁旅夾攻等語前據瑞昌等奏稱飭張威邦等由海甯進攻其前並調袁君榮等艇師水陸會勦現在蘇城逆賊又有添黨援助之信亟宜督飭官兵兩路夾攻

冀殄賊氛著瑞昌王有齡迅催張威邦等水陸進剿  
會合江蘇兵勇剋日夾擊如兵力不敷卽酌量添撥  
勁旅乘賊勢敗退之際規復平湖各城以爲進攻嘉  
興之計

二十三日

辛巳

內閣侍讀學士賀壽慈奏言楚北

各府舉辦團練其得力者以黃州一府爲最黃  
州一府以黃岡麻城黃安羅田四縣爲最咸豐

七年省城克復後團練漸散八年夏聞賊由九  
江上竄九年春聞賊由安徽上竄兩次圖犯黃  
州均被該府屬未散之團圍攻截擊得以轉危  
爲安近來各屬團練全就裁撤楚省兵力分於  
胡林翼之攻安慶者半分於曾國藩之攻蘇省  
者又半以致逆賊乘虛竄入聞此次黃州各屬  
屠毒甚慘蓋洩前此屢挫之忿兼掣動圍攻安

慶之師雖救援獲勝而郡縣未盡肅清應請  
飭下湖北大吏速行激勸黃州各屬團練照舊舉行使  
賊無可立足至督率辦團之人聞前任麻城縣  
知縣葛致遠愛民如子兼有勇略若令該員總  
司其事則事可立舉矣

賀壽慈又奏言現在川省未盡肅清宜昌荊州  
爲川省入楚之路河南捻匪出沒無常襄陽德

安又爲豫省入楚之路兩路若有竄匪全省俱  
爲震動至襄樊一帶爲南路屏障尤爲北路咽  
喉並請

旨飭令襄陽德安宜昌荊州各府一律辦理團練以備  
不虞奏入

上命軍機大臣傳諭官文胡林翼曰逆匪上竄湖北盤  
踞黃州尙未痛加勦洗亟應整飭團練以助兵力著

官文胡林翼趕緊勸諭黃州各屬團練照舊舉行前  
任麻城縣知縣葛致遠如素得民心兼有勇略卽飭  
該員總司其事認真辦理宜昌荊州爲川省入楚之  
路襄陽德安爲豫省入楚之路此時川豫兩省賊勢  
鷗張隨州德安尙未克復防勦均形喫緊並著官文  
胡林翼飭令襄陽德安宜昌荊州各府興辦團練毋  
得視爲具文

同日

上諭內閣曰現在軍務未竣亟須多儲將材以備任使  
近年帶兵各員如羅澤南李續宜左宗棠等多係寒  
畯之士效力戎行均已著有成效因思此外或寄跡  
末僚或衡茅伏處自必不乏才能之士著各直省督  
撫虛心諮詢如實有秉性忠誠素嫻韜略堪勝將帥  
之任者卽著據實保奏送部引見候旨簡用惟不得

以盜襲虛聲有名無實之人濫行充數至軍營將弁  
殺賊立功一經奏聞亦卽立沛恩施優加賞賚其有  
職分雖卑謀勇實能出衆者亦應亟爲簡拔以備干  
城並著各路統兵大臣及各督撫秉公訪察不拘資  
格專摺保奏一併送部引見用副朕立賢無方至意